



**NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP DINSDAG, 13 JUNIE 2023 OM 09:00**

---

**TEENWOORDIG:**

Uitvoerende Burgemeester, rdh J H Cleophas (voorsitter)  
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess  
Rdl N Smit  
Rdh T van Essen  
Rdl A K Warnick

Beamptes:

Munisipale Bestuurder, mnr J J Scholtz  
Direkteur: Ontwikkelingsdienste, me J S Krieger  
Direkteur: Finansiële Dienste, mnr M Bolton  
Direkteur: Siviele Ingenieursdienste, mnr L D Zikmann  
Direkteur: Elektriese Ingenieursdienste, mnr T Möller  
Senior Bestuurder: Menslike Hulpbronbestuur, me S de Jongh  
Bestuurder: Sekretariaat en Rekordsdienste, me N Brand

**1. OPENING**

Die Uitvoerende Burgemeester verwelkom lede en versoek rdl D G Bess om die vergadering met gebed te open.

**2. VERLOF TOT AFWESIGHEID**

Dat **KENNIS GENEEM** word van die verskonings ontvang vanaf die Speaker en die Direkteur: Korporatiewe Dienste.

**3. VORLEGGINGS/AFVAARDIGINGS/SPREEKBEURTE**

Geen.

**4. NOTULES**

**4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 17 MEI 2023**

**BESLUIT**

(op voorstel van rdl A K Warnick, gesekondeer deur rdh T van Essen)

Dat die notule van 'n Gewone Uitvoerende Burgemeesterskomiteevergadering gehou op 17 Mei 2023 goedgekeur en deur die Burgemeester onderteken word.

**5. OORWEGING VAN AANBEVELINGS UIT DIE NOTULE**

**5.1 NOTULE VAN PORTEFEULJEKOMITEESVERGADERING GEHOU OP 7 JUNIE 2023**

5.1.1/...

**5.1.1 MUNISIPALE BESTUUR, ADMINISTRASIE EN FINANSIES**

**BESLUIT**

(op voorstel van rdl D G Bess, gesekondeer deur rdl N Smit)

Dat die Uitvoerende Burgemeester die aanbevelings in die betrokke notule bekragtig.

**5.1.2 SIVIELE EN ELEKTRIESE DIENSTE**

**BESLUIT**

(op voorstel van rdl D G Bess, gesekondeer deur rdl N Smit)

Dat die Uitvoerende Burgemeester die aanbevelings in die betrokke notule bekragtig.

**5.1.3 ONTWIKKELINGSDIENSTE**

**BESLUIT**

(op voorstel van rdl D G Bess, gesekondeer deur rdl N Smit)

Dat die Uitvoerende Burgemeester die aanbevelings in die betrokke notule bekragtig, onderhewig aan die volgende regstelling –

ITEM 5.1: MAANDVERSLAG, APRIL 2023  
[paragraaf 3]

Die Direkteur: Ontwikkelingsdienste noem dat die inwoners wat in Blok B die pad versper waar elektriese werke aangebring moet word na die geormerkte grond verskuif sal word.

**5.1.4 BESKERMINGDIENSTE**

**BESLUIT**

(op voorstel van rdl D G Bess, gesekondeer deur rdl N Smit)

Dat die Uitvoerende Burgemeester die aanbevelings in die betrokke notule bekragtig.

**6. SAKE VOORTSPRUITEND UIT DIE NOTULES**

Geen.

**7. NUWE SAKE**

**7.1 2023/2024 DIENSLEWERING- EN BEGROTINGIMPLEMENTERINGSPLAN (SDBIP) (2/4/2)**

Artikel 53 van die Wet op Plaaslike Regering: Munisipale Finansiële Bestuur, Wet 56 van 2003 (MFMA), bepaal dat die Munisipaliteit se SDBIP deur die Uitvoerende Burgemeester goedgekeur moet word binne 28 dae na goedkeuring van die jaarlikse begroting in Mei (dit is voor of op 22 Junie 2023).

Die SDBIP dien as hulpmiddel vir die bestuur van die Munisipaliteit om diensleweringsteikens en spandering op kapitaalprojekte binne die vasgestelde tydsraamwerke te behaal.

**BESLUIT**

(op voorstel van rdl N Smit, gesekondeer deur rdh T van Essen)

Dat die aangehegte 2023/2024 Dienslewering- en Begrotingimplementeringsplan (SDBIP) goedgekeur word.

## **7.2 VOORLEGGING VAN 2023/2024 PRESTASIE-OOREENKOMSTE EN -PLANNE (2/4/2)**

Artikel 57 van die Wet op Plaaslike Regering: Munisipale Stelsels, Wet 32 van 2000, bepaal dat die prestasie-ooreenkomste van die munisipale bestuurder en amptenare wat regstreeks aan die munisipale bestuurder rapporteer, binne een maand na die begin van die finansiële jaar aangegaan moet word.

Die prestasie-ooreenkomste van die Munisipale Bestuurder en die Direkteur: Elektriese Ingenieursdienste (as voorbeeld van dié van die direkteure) is met die sakelys gesirkuleer.

### **BESLUIT**

Dat kennis geneem word van die Munisipale Bestuurder en direkteure se prestasie-ooreenkomste en -planne vir die 2023/2024 finansiële jaar.

## **7.3 NOTULE VAN 'N MUNISIPALE PRESTASIE- EN RISIKO OUDITKOMITEE GEHOU OP 21 FEBRUARIE 2023 (5/15/1/5)**

Die Ouditkomitee dien as 'n volwaardige onafhanklike komitee van die Raad en vervul sy funksie ingevolge die bepalings van artikel 166 van die Plaaslike Regering: Munisipale Finansiële Bestuurswet, Nr 56 van 2003.

Die notule van die Munisipale Prestasie en Risiko Ouditkomiteevergadering gehou op 21 Februarie 2023 is met die sakelys gesirkuleer, en bevat geen aanbevelings aan die Uitvoerende Burgemeesterskomitee vir oorweging nie.

### **BESLUIT**

Dat kennis geneem word van die notule van die Munisipale Prestasie, Risiko en Ouditkomitee se vergadering van 21 Februarie 2023.

## **7.4 2023/2024 PROGRAM INSAKE DIE HERSEEL- EN BOU VAN STRATE(16/5/5/1)**

Daar is in die 2023/2024 finansiële jaar 'n bedrag van R10 miljoen beskikbaar vir die herseel van bestaande opgegradeerde strate in die Swartland munisipale gebied.

Die Munisipale Bestuurder hou die aanbeveling voor, en die volgende word uit die bespreking van die item bevestig:

- (1) Die rangorde ten opsigte van die bou van strate word bepaal deur die Uitvoerende Burgemeester binne die begrote bedrag;
- (2) Die identisering van strate vir die herseel daarvan word bepaal deur die Geïntegreerde Plaveiselbestuurstelsel (iRAMS Pavement Mangement System), sowel as ter plaatse inspeksies;
- (3) Kennis word geneem na die behoefte vir die opgradering van Abattoirstraat, Moorreesburg;
- (4) Die aantal strate wat kwalifiseer vir herseel gaan jaarliks afneem, as gevolg van die stygende kostes en dat daar pogings aangewend moet word om alternatiewe befondsing as die Raad se CRR (*Capital Replacement Reserve*) te bekom.

### **BESLUIT**

(op voorstel van rdh T van Essen, gesekondeer deur rdl A K Warnick)

- (a) Dat daar kennis geneem word van die begerigheid van Swartland Munisipaliteit om die agterstand in die uitwissing van grondstrate in die hele Swartland munisipale area, te bereik;
- (b) Dat die beginsel aanvaar word dat met enige gesubsidieerde of privaat ontwikkeling alle strate geteer moet word, op die standaard soos deur die Swartland Munisipaliteit voorgeskryf, tydens die oorweging van die aansoek;
- (c) Dat die bou- en herseel van strate, in die daaropvolgende begrotings spesiale oorweging geniet ten einde die doel van die uitfasering van grondstrate in die afsienbare toekoms te behaal;

7.4/...

- (d) Dat verdere detail beplanning, met inbegrip van 'n ter plaatse inspeksie, opgestel word ooreenkomstig die kriteria vir die oorweging van die bou van strate, ten einde die omvang van bevoordeling te optimaliseer;
- (e) Dat 5<sup>de</sup> straat te Yzerfontein van 'n permanente oppervlakte voorsien word, hetsy teer of plavei en dat die onderskeie kostes van die opsies bepalend sal wees vir die finale produk;
- (f) Dat die R2 miljoen CCR (*Capital Contribution Reserve*) wat vir die BOU VAN STRATE beskikbaar is, en nie aan MIG vereistes ondergeskik is nie – aangewend word vir die bou van Abattoirstraat te Moorreesburg;
- (g) Dat die strate in alle dorpe, soos op die skedule in die sakelys ingebind, evalueer word om te bepaal of daar enige strate is wat nie “redbaar” is nie, en dus wel herseel moet word en dat die Direkteur: Siviele Ingenieursdienste 'n gesprek sal reël met lede van die Uitvoerende Burgemeesterskomitee om die finalisering van hierdie strate te bepaal;
- (h) Dat die balans van fondse (indien enige) gebruik word vir die bou van strate, welke prioriteitsorde deur die Uitvoerende Burgemeesterskomitee bepaal sal word voor die einde van Julie 2023.

#### **7.5 OPGRADERING VAN BETONSTRUKTUUR EN TOILETTE IN YZERFONTEIN HAWE (9/1/3/2)**

'n Versoek is ontvang vanaf Swartland Toerisme vir die opgradering van die ou betonstruktuur in die hawe wat in die 1950's deel van 'n visfabriek was. Daar word beplan om die struktuur in 'n uitkykpunt en meditasie area te omskep.

Swartland Toerisme sal die projek befonds deur middel van fondsinsamelingsveldtogte en behels die opgradering die volgende –

- (1) Skoonmaak van die terrein, restourasie van bankies en aanbring van skulpe op die vloer;
- (2) Aanbring van sonkrag aangedrewe LED-beligting;
- (3) Aanbring van sekuriteitskameras gekoppel aan Yzerfontein Armed Response;
- (4) Aanbring van 3 m breë perfolo teen die agterkant van die struktuur;
- (5) Opgradering van bestaande toegangsroete vanaf die hawe.

#### **BESLUIT**

(op voorstel van rdl N Smit, gesekondeer deur rdl A K Warnick)

- (a) Dat goedkeuring verleen word vir die opgradering van die betonstruktuur in die Yzerfontein hawe as 'n uitkyk- en meditasiepunt;
- (b) Dat toestemming vir die klein bouwerke (asook die pergola) vanaf die Boubeheerafdeling verkry word;
- (c) Dat opgradering van die toilette verwys word na die Departement: Onderhoud en Geboue vir plasing op die prioriteitslys waar dit sal meeding met ander projekte vir befondsing;
- (d) Dat Swartland Toerisme skriftelike toestemming vir die projek verkry vanaf Yzerfontein Stedelike Bewarea, sowel as omliggende geaffekteerde partye soos geïdentifiseer deur Swartland Munisipaliteit.

#### **7.6 SONDEZA AFRI-JEUGINISIATIEF: EVALUERINGSVERSLAG 2022 (17/2/2/1)**

Die Evalueringsverslag van die 17de Sondeza Afri-Jeuginisiatief wat vanaf 7 tot 15 Desember 2022 op Ganzekraal aangebied is, is met die sakelys gesirkuleer.

#### **BESLUIT**

- (a) Dat kennis geneem word van die Evalueringsverslag van die Sondeza Afri-Jeuginisiatief, opgestel deur die kamp-koördineerder, I Look;

7.6/...

- (b) Dat daar met dank kennis geneem word van die goeie terugvoering wat ontvang is, ingesluit die skrywe uit Duitsland, wat getuig van die waarde van die projek.

#### **7.7 MENSLIKE HULPBRONNE: NUWE BELEID EN HERSIENING VAN BESTAANDE BELEID (4/2/B)**

Die nuwe Munisipale Personeelregulasies noodsaak die samestelling van 'n aantal nuwe beleide, asook die hersiening van bestaande beleide om te voldoen aan die vereistes soos bepaal deur die regulasies.

Die verslag bevat die detail insake die konsultasie met vakbonde en die Plaaslike Arbeidsforum ter ondersteuning van die Mentorskap en Afrigtingbeleid en die gewysigde Interne Personeel Beursbeleid.

#### **BESLUIT**

(op voorstel van rdl N Smit, gesecondeer deur rdh T van Essen)

- (a) Dat die Uitvoerende Burgemeesterskomitee die aangehegte nuwe Mentorskap en Afrigtingbeleid goedkeur met ingang van 1 Julie 2023;
- (b) Dat die Uitvoerende Burgemeesterskomitee die aangehegte gewysigde Interne Personeel Beursbeleid goedkeur met ingang van 1 Julie 2023.

#### **7.8 OORSKRYDING VAN MUNISIPALE EIENDOM: ERF 154, DARLING (15/3/1)**

Engen Petroleum Ltd bedryf 'n vulstasie vanaf Erf 2076, Darling en is van voorneme om die terrein uit te brei om addisionele pompe te akkommodeer.

Die voorgestelde uitbreiding oorskry tot op munisipale grond, Erf 154, Darling wat as publieke padreserwe dien om elektriese infrastruktuur te akkommodeer. Dit is dus nie moontlik om Erf 154, Darling te vervreem nie, soos wat aanvanklik versoek was deur Engen Petroleum Ltd. Derhalwe is daar besluit om eerder 'n oorskrydingsooreenkoms aan te gaan.

#### **BESLUIT**

(op voorstel van rdl A K Warnick, gesecondeer deur rdl D G Bess)

- (a) Dat goedkeuring verleen word dat 'n oorskrydingsooreenkoms gesluit word met Engen Petroleum Ltd, eienaar van erf 2076, Darling, vir 'n periode van tien jaar, ten bedrae van R660,00 plus BTW per jaar om op erf 154, Darling te mag oorskry;
- (b) Dat die bogemelde bedrag jaarliks met 7% sal eskaleer;
- (c) Dat die Direkteur: Korporatiewe Dienste gemagtig word om die terme van die ooreenkoms te bepaal, met die insette van die Beplanningsafdeling.

#### **7.9 HUUROORENKOMS DOLFYNTJIES BESWAARSKOOL, MOORREESBURG (17/9/2/R)**

Die Dolfyntjies Bewaarskool op Moorreesburg is 'n geregistreerde Vroeë Kinderontwikkelingsentrum en is hulle werksaamhede, volgens die Departement: Ontwikkelingsdienste, tot groot voordeel van die gemeenskap.

'n Aansoek is ontvang vanaf die Dolfyntjies Bewaarskool om Erf 1383, Moorreesburg vir 'n verdere termyn van drie jaar vanaf die Raad te huur.

#### **BESLUIT**

(op voorstel van rdh T van Essen, gesecondeer deur rdl N Smit)

- (a) Dat 'n drie (3) jaar huuroorenkoms met Dolfyntjies Bewaarskool Moorreesburg, aangegaan word vir die huur van Erf 1383, Moorreesburg vir die bedryf van 'n Vroeë Kinderontwikkelingsentrum;
- (b) Dat die huurgeld vasgestel word op R120,00 per jaar plus BTW;

7.9/...

- (c) Dat die bestaande huurvoorwaardes gehandhaaf word.

#### **7.10 VERHURING VAN MUNISIPALE EIENDOM: KHETH'IMPILO (12/1/3/1-1/1)**

Die Provinsiale Departement van Gesondheid het Kheth'Impilo aangestel vir die lewering van geïntegreerde gesondheid- en welstandprogramme in die Moorreesburg omgewing.

Kheth'Impilo beskik egter nie oor 'n geskikte perseel om hulle dienste effektief te lewer nie en derhalwe is 'n versoek ontvang om die ongebruikte munisipale gebou in Sentrumweg, Moorreesburg (bekend as die voormalige Biblioteek/Behuisingkantoor) vir hierdie doeleindes te huur.

Die versoek word ondersteun deur die Provinsiale Departement van Gesondheid.

#### **BESLUIT**

(op voorstel van rdl N Smit, gesekondeer deur rdl D G Bess)

- (a) Dat 'n een (1) jaar huurooreenkoms met Kheth'Impilo aangegaan word vir die huur van die munisipale gebou in Sentrumweg, Moorreesburg vir doeleindes om 'n gemeenskapgebaseerde gesondheidsorgdiens te lewer;
- (b) Dat die huurgeld van R120,00 per jaar plus BTW goedgekeur word;
- (c) Dat volmag aan die Direkteur: Korporatiewe Dienste gegee word om, in oorleg met die Direkteur: Ontwikkelingsdienste, die huurvoorwaardes te bepaal;
- (d) Dat die voorneme van die Raad op 'n huurooreenkoms met Kheth'Impilo aan te gaan in die plaaslike pers geadverteer word vir publieke kommentaar.

#### **7.11 VERHUUR VAN HANDELSPLASIES TE JAKARANDA STRAAT, MALMESBURY (12/1/3/1-1/1)**

Die Raad bedryf 'n Entrepreneursnode vanaf Erf 7516, Jakarandastraat wat tans uit vier klein besighede bestaan wat vanuit doelgemaakte skeepvraghouers opereer, naamlik

- Barbier/Haarsalon – N Magaginxa
- Klerewinkel (vervaardiging, herstelwerk, alterasies sowel as verkope) – J Meyer
- Wegneemetes – N Nomnga - Wotyana
- Snoepie/Tuckshop – X Mhlungwana

#### **BESLUIT**

(op voorstel van rdl J M de Beer, gesekondeer deur rdh T van Essen)

- (a) Dat goedkeuring verleen word vir die verlenging van huurooreenkomste met die onderskeie huurders vir 'n verdere termyn van 2 (twee) jaar, onderhewig aan terme en voorwaardes, soos bepaal deur die Direkteur van Korporatiewe Dienste en Ontwikkelingsdienste;
- (b) Dat maandelikse huur onveranderd bly op R100.00, plus BTW.

#### **7.12 KANTOORAKKOMMODASIE: ABBOTSDALE BUURTWAG (12/1/3/1-1/1)**

Die Abbotsdale Buurtwag huur tans 'n gedeelte van die struktuur geleë op Erf 1217, Abbotsdale en is begerig om die bestaande huurooreenkoms te verleng.

Die Munisipale Bestuurder noem dat die diens aan die gemeenskap op 'n vrywillige basis gelewer word en dat meeste van die lede van die buurtwag pensionarise is wat 'n deernissubsidie ontvang. Daar word dus voorgestel, ondersteun deur die Direkteur: Finansiële Dienste, om munisipale dienste gratis beskikbaar te stel.

Besluit/...

7.12/...

**BESLUIT**

(op voorstel van rdl A K Warnick, gesecondeer deur rdl D G Bess)

- (a) Dat goedkeuring verleen word dat 'n huurooreenkoms met die Abbotsdale Buurtwag gesluit word vir die huur van een gedeelte van die struktuur geleë op Erf 1217, Abbotsdale, en wel vir 'n verdere periode van een (1) jaar ten bedrae van R120,00 per jaar, BTW uitgesluit, welke bedrag vooruitbetaalbaar sal wees;
- (b) Dat die huurvoorwaardes wat tans geld, van krag sal bly;
- (c) Dat die Munisipaliteit gratis dienste ten opsigte van water en riool beskikbaar stel met ingang van 1 Julie 2023, in belang van die dienste wat op 'n vrywillige basis aan die gemeenskap gelewer word.

**7.13 TERUGVOERING OOR DIE WERKSAAMHEDE VAN DIE SWARTLAND GEMEENSKAPVEILIGHEIDSFORUM (17/5/1/1)**

Die Swartland Verkeer- en Wetstoepassingsdepartement volg 'n geïntegreerde benadering tot die bevordering van 'n veilige omgewing in die Swartland munisipale gebied. Om hierdie rede bestaan daar suksesvolle samewerking tussen alle rolspelers in die veiligheidsektor.

Die Swartland Gemeenskapveiligheidsforum het sy ontstaan uit die Swartland Veiligheidsinisiatief wat in 2017 gestig is om die werksaamhede van die onderskeie rolspelers te koördineer en dit in lyn te bring met die doelwitte van die Weskus Distrikmunisipaliteit en die res van die RSA.

Die verslag het ten doel om die Uitvoerende Burgemeesterskomitee in te lig aangaande die operasies van die forum om misdaad te verminder, maar ook om misdaad te voorkom deur die kernoorsoeke aan te spreek om sodoende 'n veilige omgewing te verseker.

**BESLUIT**

- (a) Dat kennis geneem word van die inhoud van die verslag en van die pogings deur die Swartland Gemeenskapveiligheidsforum om verhoudinge met alle rolspelers van die veiligheidsektor te bou ten einde misdaad in die Swartland munisipale gebied te bekamp;
- (b) Dat verder kennis geneem word dat die Swartland Gemeenskapveiligheidsforum op 'n kwartaallikse basis sal vergader.

**7.14 GOEDKEURING VAN DIE SWARTLAND GEMEENSKAPVEILIGHEIDSPAN, 2023 (17/5/1/1)**

Die Swartland Gemeenskapveiligheidsplan is opgestel met behulp van die Veiligheidskoördineerder, mnr Uys van der Westhuizen.

Die Direkteur: Beskermingsdienste noem dat die plan die funksies en verantwoordelikhede van die onderskeie rolspelers uitspel en wat nagekom moet word om 'n veilige omgewing te bevorder. Daar sal van die onderskeie rolspelers verwag word om tydens vergaderings van die Forum verslag te doen insake nakoming van verantwoordelikhede.

Een van die belangrikste oorwegings met die opstel van 'n veiligheidsplan is 'n begrip van die voorkoms van misdaad binne geografiese gebiede en om die sogenaamde "hotspots" te kan identifiseer. Sodoende kan gefokusde ingrypings en programme plaasvind om misdaad te bekamp en te voorkom in 'n spesifieke geografiese area.

**BESLUIT**

(op voorstel van rdl A K Warnick, gesecondeer deur rdl D G Bess)

Dat kennis geneem word van die inhoud van die Swartland Gemeenskapveiligheidsplan vir 2023 en dat die plan dienooreenkomstig goedgekeur word.

### 7.15 SWARTLAND MUNISIPALITEIT: 2023 HERSIENING VAN BESIGHEID-KONTINUÏTEIT EN RAMPHERSTELPLAN (17/5/1/1)

Die doel van die Besigheidkontinuiteit- en Rampherstelplan is om die Munisipaliteit voor te berei op uitgebreide diensonderbrekings en om dienslewering so spoedig moontlik te herstel.

#### BESLUIT

(op voorstel van rdl A K Warnick, gesekondeer deur rdl D G Bess)

- (a) Dat kennis geneem word van die wysigings aangebring ter hersiening van die Besigheidkontinuiteit- en Rampherstelplan;
- (b) Dat die hersiende 2023 Swartland Besigheidkontinuiteit- en Rampherstelplan goeagekeur word.

### 7.16 AFSKRYWING VAN ONINBARE EN ANDER SKULD: JANUARIE 2023 (5/7/3)

Die aangehegte skedules toon die uitstaande bedrae wat as oninvorderbaar geklassifiseer word, naamlik

- Skedule A – afskryfbaar ten opsigte van deernishoudings = R3 404 726.66
- Skedule B – afskryfbaar ten opsigte van uitstaande debiteure = R216 066.62

Daar word op 'n gereelde basis met deernishuishoudings gekommunikeer aangaande die spaarsamige verbruik van munisipale dienste, veral ten opsigte van water.

Verder is alle pogings aangewend om die gelde in te vorder vanaf uitstaande debiteure, maar daar is gevalle waar rekeninghouers oorlede is, of nie opgespoor kon word nie of nie oor die finansiële vermoë beskik om enige betalings te maak nie.

#### BESLUIT

(op voorstel van rdl N Smit, gesekondeer deur rdl A K Warnick)

- (a) Dat die Uitvoerende Burgermeesterskomitee goedkeuring verleen dat die bedrag van **R 3 404 726,66** en opsigte van deernishuishoudings, afgeskryf word as oninvorderbaar;
- (b) Dat die Uitvoerende Burgermeesterskomitee goedkeuring verleen dat die bedrag van **R216 066.62** ten opsigte van ander uitstaande debiteure, afgeskryf word as oninvorderbaar soos per die individuele redes;
- (c) Dat, indien dit vanaf datum van hierdie goedkeuring aan die lig kom dat 'n gedeelte van die skuld of die totale skuld van 'n debiteur nie korrek sou wees nie, of dat enige inligting wat op datum van afskrywing nie aan die Uitvoerende Burgermeesterskomitee bekend was wat daartoe sou lei dat die komitee die voorgelegde skuld nie vir afskrywing sou oorweeg nie, die Uitvoerende Burgermeesterskomitee die reg voorbehou om die skuld weer terug te skryf na die betrokke debiteur en dat die nodige stappe geneem sal word om die skuld in te vorder;
- (d) Dat, indien 'n eiendom op welke wyse ookal vervreem sou word, die Raad die reg voorbehou om uitklaring op die betrokke eiendom te weerhou en die bedrae afgeskryf eers in te vorder, alvorens uitklaring op die betrokke eiendom gegee sal word. Ten einde uitvoering aan hierdie besluit te gee, is 'n register by die eiendomsbelastingafdeling ingestel waarin gekontroleer word of daar ten opsigte van die betrokke uitklaring vir die voorafgaande twee jaar voor uitklaring, enige afskrywing was, en dat indien wel, die afgeskryfde bedrag met die uitklaring verhaal word;
- (e) Dat verder goedkeuring verleen word dat lopende heffings wat nie by die bestaande lys bygewerk is nie, vanweë die tydsverloop van wanneer die administratiewe proses van genoemde afskrywingslys begin is en die tydperk daarna, ook deel van die afskrywings sal wees, onderhewig daaraan dat die Kredietbeheerafdeling oortuig is dat die nuwe skuld onder dieselfde omstandighede ook oninvorderbaar is;



7.16/...

- (f) Dat verder goedkeuring verleen word dat die bedrae wat aan die Raad verskuldig is, wat op datum van hierdie Item nie by die bestaande lys bygewerk is nie, as gevolg van sosioekonomiese ondersoeke wat nog nie kon plaasvind aan al die deernishuishoudings nie, ook deel van die afskrywings sal wees, onderhewig daaraan dat die Kredietbeheerafdeling oortuig is dat die nuwe skuld onder dieselfde omstandighede ook oninvorderbaar is;
- (g) Dat die werklike bedrag afgeskryf, nadat hierdie voorlegging aan die Uitvoerende Burgemeesterskomitee gemaak was, weer tydens die volgende vergadering voorgelê sal word;
- (h) Dat enige BTW op dienste gehef op die gebruikelike manier vanaf die Ontvanger van Inkomste teruggeëis word;
- (i) Dat die Kredietbeheerafdeling poog om besoeke aan die deernishuishoudings te bring, ten einde die afskrywing te verduidelik en die implikasie van toekomstige verpligtinge van 'verantwoordelike verbruikers' aan hulle duidelik te maak, asook om die installeering van 'n waterbeheermeganismestelsel en die werking daarvan aan die deernishuishoudings te verduidelik, ten einde voorkomende Kredietbeheer toe te pas;
- (j) Dat verdere goedkeuring verleen word dat die kostes met betrekking tot die vervanging van die konvensionele elektrisiteitsmeter deur 'n voorafbetaalde elektrisiteitsmeter, deur die munisipaliteit gedra word en dat die Hoof Finansiële Beampte die kostes van die Deernistoekenning sal verhaal;
- (k) Dat daar kennis geneem word van toekomstige pogings om aansluitings te beperk in 'n poging om verbruikers te dwing om die nodige dienste aansluitings te kom teken.

#### **7.17 UITSTAANDE DEBITEURE: MEI 2023 (5/7/1/1)**

'n Volledige verslag van die stand van uitstaande debiteure teen einde Mei 2023 is met die sakelys gesirkuleer.

#### **BESLUIT**

Dat kennis geneem word van die verslag aangaande die stand van Swartland Munisipaliteit se uitstaande debiteure vir Mei 2023.

#### **7.18 VORDERING MET UITSTAANDE VERSEKERINGSEISE (5/14/3/5)**

Ingevolge die Batebestuursbeleid moet maandeliks verslag gedoen word insake die uitstaande versekeringseise.

#### **BESLUIT**

Dat kennis geneem word van die stand van uitstaande versekeringseise tot en met 31 Mei 2023 soos met die sakelys gesirkuleer.

#### **7.19 AFSKRYF VAN BATES TEN DOEL OM DIT VAN DIE BATEREGISTER TE VERWYDERING MET BETREKKING TOT VERSEKERINGSEISE TOT 31 MEI 2023 (5/14/3/5)**

Die instandhouding van die Bateregister word ingevolge Artikel 63 van die Plaaslike Regering: Munisipale Finansiële Bestuur (Wet 56 van 2003) vereis. 'n Lys van bates wat afgeskryf kan word en gevolglik van die Bateregister verwyder moet word, is met die sakelys gesirkuleer.

#### **BESLUIT**

(op voorstel van rdh T van Essen, gesekondeer deur rdl N Smit)

(a)/...

7.19/...

- (a) Dat goedkeuring verleen word vir die afskryf van bates ter waarde van R8447.50 (soos aangeheg) en dat die betrokke bates dienooreenkomstig vanaf die Bateregister verwyder word;
- (b) Dat, indien daar soortgelyke versekeringsgevalle na vore kom tot en met einde Junie 2023, die Direkteur: Finansiële Dienste gemagtig word om die bates te laat afskryf, onderhewig daaraan dat die werklike bedrag afgeskryf vir die periode tot 30 Junie 2023 vir volledigheidshalwe gerapporteer sal word.

**7.20 AFSKRYF VAN BATES TEN DOEL OM DIT VAN DIE BATEREGISTER TE VERWYDER MET BETREKKING TOT VERLORE, GEEN EIS, Vernietigde en ONEKONOMIES HERSTELBARE BATES (5/14/3/5)**

Die Batebestuursbeleid bepaal die redes vir die afskryf van bates, onder andere, as gevolg van diefstal, vernietiging, onherstelbaar, ens. en 'n register word gedurende die jaar bygehou van sodanige bates.

Die bates word vir afskrywing aanbeveel, aangesien dit tydens die fisiese inspeksie geverifieer kon word dat die bates met 'n waarde van R7 249.12, vir die redes genoem in die verslag, nie meer bestaan nie.

**BESLUIT**

(op voorstel van rdh T van Essen, gesekondeer deur rdl N Smit)

Dat goedkeuring verleen word vir die afskryf van bates ter waarde van R7 249.12 (soos aangeheg) en dat die betrokke bates dienooreenkomstig vanaf die Bateregister verwyder word vir doeleindes van volledigheid van die Munisipaliteit se rekenkundige rekords soos op 30 Junie 2023.

**7.21 NASIENING EN AFSKRYWING VAN GEBOUE INGESLUIT IN DIE BATE REGISTER SOOS OP 30 JUNIE 2023 (6/1/4)**

Tydens 'n ondersoek deur die Direkoraat: Finansiële Dienste is vasgestel dat sommige geboue in die Bateregister nie meer aan die Munisipaliteit behoort nie of dat die fasiliteit onherstelbaar beskadig is. In sommige gevalle is die oordrag van die grond korrek geboekstaaf, maar nie die geboue op die grond nie.

Die resultaat van die ondersoek is dat die toestand en ligging van alle bates (grond en struktuur) van die Munisipaliteit nou met behulp van GIS gekoppel is.

Die impak van die ondersoek behels die afskrywing van 68 geboue (oor 36 persele) en/of strukture ter waarde van R6 327 528.89.

**BESLUIT**

(op voorstel van rdh T van Essen, gesekondeer deur rdl N Smit)

Dat goedkeuring verleen word vir die afskryf van bates ter waarde van R6 327 528.89 (soos aangeheg) en dat die betrokke bates dienooreenkomstig vanaf die Bateregister verwyder word vir doeleindes van volledigheid van die Munisipaliteit se rekenkundige rekords soos op 30 Junie 2023.

**7.22 RATIFISERING VAN PENSIONARIS TARIEF TOEGESTAAN BY KARAVANPARK TYDENS 2019/2020 SONDER BEHOUD VAN REKORDS (5/15/1/5)**

Die Ouditeur-Generaal (OG) het in 2019/2020 'n steekproef van transaksies by die Yzerfontein Karavaanpark aangevra. Daar is transaksies gevind waar 'n afslag aan pensionarisse toegestaan is. Op daardie stadium het die Munisipaliteit se beleid nie daarvoor voorsiening gemaak dat rekords gehou moet word as bewys van ouderdom nie, bv. of Identiteitsdokument of SASSA-kaart.

Alhoewel die Administrasie op daardie stadium nie saamgestem het met die bevinding van die OG nie, is kontroles in plek gestel om 'n afskrif van die bewys te behou ten einde te kan bevestig dat die korrekte kamptarief gehef is.

7.22/...

Ten einde die transaksies rekeningkundig korrek te boekstaaf word –

**BESLUIT**

(op voorstel van rdl N Smit, gesekondeer deur rdh T van Essen)

- (a) Dat die toestaan van 'n verminderde kamptarief aan pensionarisse sonder om 'n afskrif te behou van identifikasie vir die periode 1 Julie 2019 tot 30 Junie 2020 gekondoneer word;
- (b) Dat goedkeuring verleen word dat die skedule met die ongekorrigeerde wanvoorstelling dienooreenkomstig opgedateer word.

**7.23 AFWYKING VAN VOORGESKREWE VERKRYGINGSPROSEDURES: AANKOOP VAN NOTEBOOK REKENAARS MET SPESIFIEKE FUNKSIES (8/1/B/2)**

Die behoefte het ontstaan om rekenaars met spesifieke funksionaliteite te bekom. Die diensverskaffers van rekenaartoerusting verkry groot hoeveelhede vir die algemene mark en sal slegs rekenaars reserveer op ontvangs van 'n amptelike bestelling.

Daar is kwotasies vanaf drie diensverskaffers aangevra, maar slegs een kon die spesifieke model voorsien ingevolge die spesifikasies en tydsraamwerk van die Munisipaliteit.

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat kennis geneem word van die aksie van die Munisipale Bestuurder om die verkorte drie-kwotasie proses te volg en die aanvaarding van die kwotasie vanaf Technology Strategy Corp vir rekenaars en toerusting ten bedrae van R172 494,00 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Dit word as onprakties beskou om rekenaars deur middel van die formele proses te verkry, weens die standardisering op Dell en HP rekenaars en 'n tekort aan gespesialiseerde rekenaartoerusting. Die enigste praktiese oorweging was om diensverskaffers te nader wat reeds bestellings vir die algemene mark gehad het, en om 'n kwotasie te aanvaar van rekenaars wat nog nie geallokeer was nie;
  - (ii) Omrede drie kwotasies teen die sperdatum ontvang is, maar slegs een diensverskaffer die rekenaar en toerusting ingevolge die spesifikasies kon voorsien, was die kwotasie aanvaar en word dit as 'n deelnemende verkrygingsproses beskou en word die verkoopprijs as regverdig en redelik beskou;
- (d) Dat daar voldoende fondse beskikbaar is en dat die uitgawe ten bedrae van R172 494.00 (BTW uitgesluit) teen posnommer 9/118-64-729 verreken word;
- (e) Dat die Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**7.24 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN “BELT FILTER PRESS” BY MALMESBURY WWTW (8/1/B/2)**

Die Malmesbury WWTW beskik oor meganiese toerusting om slyk te verwyder en te ontwater gedurende die behandeling van afvalwater. Indien hierdie toerusting onklaar raak kan daardie lei dat die behandelde rioolwater nie op standaard is nie en besoedeling kan veroorsaak.

Besluit/...

7.24/...

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstel van die *belt filter press* by die Malmesbury WWTW deur G W Trautman ten bedrae van R69 208.63 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Die *belt filter press* sou vir 'n geruime tyd buite werking gewees het;
  - (ii) Voormelde sou aanleiding gee dat die faling van die behandelingsproses, verliese aan slyk, swak gehalte behandelde rioolwater wat nie op standaard is nie en 'n groot risiko vir omgewingsbesoedeling;
  - (iii) Derhalwe is die herstelwerk as 'n noodgeval hanteer;
- (d) Dat daar voldoende fondse beskikbaar is en dat die uitgawe ten bedrae van R69 208.63 (BTW uitgesluit) teen posnommer 9/239-667-425 verreken word;
- (e) Dat die Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**7.25 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN DOMELOPOMP BY RIOOLPOMPSTASIE NR 5 IN ABBOTSDALE (8/1/B/2)**

Die rioolwerke by Abbotsdale is toegerus met verskeie pompstasies om rou riool na Malmesbury WWTW te pomp. Pompstasie Nr 5 het gefaal wat aanleiding gegee het tot die storting van rou riool en dringend herstelwerk is benodig.

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstel van die pomp by die by die Abbotsdale Rioolstasie Nr 5 deur CAW ten bedrae van R41 340.00 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Die pompstasie sou vir 'n geruime tyd buite werking gewees het, sou die normale verkrygingsproses gevolg word;
  - (ii) Voormelde sou lei tot die faling van die rioolversamelingstelsel en storting van rou riool met die gepaardgaande risiko vir omgewingsbesoedeling;
  - (iii) Derhalwe is die herstelwerk as 'n noodgeval hanteer;
- (d) Dat daar voldoende fondse beskikbaar is en dat die uitgawe ten bedrae van R41 340.00 (BTW uitgesluit) teen posnommer 9/240-849-381 verreken word;
- (e) Dat die Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.26/...

**7.26 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN RIOOLPYPLYN IN SCHOONSPRUITWEG, MALMESBURY (8/1/B/2)**

Die Munisipaliteit het 'n klagte ontvang insake 'n rioolverstopping in Schoonspruitweg, Malmesbury. Die stukkende pype het 'n verstopping in die hoofrioolpyplyn veroorsaak en dringende herstelwerk was benodig.

Die dienste van 'n spesialis siviele ingenieurskontraakteur is bekom, aangesien die pyplyn op 'n diepte geleë is wat buite bereik van munisipale toerusting is.

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstel van die rioolpyplyn in Schoonspruitweg, Malmesbury deur Fast Track Plant and Civils ten bedrae van R73 550.00 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Die stukkende rioolpype het 'n blokkasie in die hoofrioolpyplyn veroorsaak wat aanleiding gegee het tot die storting van rou riool en 'n faling in die lewering van rioldienste;
  - (ii) Derhalwe is die herstelwerk as 'n noodgeval hanteer;
- (d) Dat daar voldoende fondse beskikbaar is en dat die uitgawe ten bedrae van R73 550.00 (BTW uitgesluit) teen posnommer 9/240-681-381 verreken word;
- (e) Dat die Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**7.27 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN "TRANSFER MIXER" BY MALMESBURY WWTW (8/1/B/2)**

Die behandelingsproses by die Malmesbury WWTW bestaan uit verskeie sones wat uit meganiese komponente bestaan wat die proses aandryf. 'n Menger wat riool tussen twee sones aandryf het onklaar geraak.

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstel van die *transfer mixer* by die Malmesbury WWTW deur G W Trautman ten bedrae van R61 042.55 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Die *transfer mixer* sou vir 'n geruime tyd buite werking gewees het;
  - (ii) Voormelde sou aanleiding gee in die faling van die behandelingsproses, en beskadiging van meganiese komponente verder aan in die proses;
  - (iii) Derhalwe is die herstelwerk as 'n noodgeval hanteer;
- (d) Dat daar voldoende fondse beskikbaar is en dat die uitgawe ten bedrae van R61 042.55 (BTW uitgesluit) teen posnommer 9/239-851-689 verreken word;
- (e) Dat die Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**7.28 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN VULLIGVERWYDERINGSRINGSVRAGMOTOR, CK 37359 (8/1/B/2)**

Die vullisverwyderingsvragmotor, CK 37359, word in Malmesbury gebruik vir die verwydering van vaste afval. Die vragmotor se kompakteerder het onklaar geraak en dringende herstelwerk is benodig.

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge paragraaf 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen vir die herstel van die vullisverwyderingsvragmotor, CK 37359 deur Transtech ten bedrae van R139 865.59 (BTW uigesluit);
- (c) Dat die rede vir die afwyking van die voorgeskrewe verkrygingsproses soos volg aangeteken word:
  - (i) Die vragmotor sou vir 'n geruime tyd buite werking gelaat word;
  - (ii) Dit sou lei tot 'n ineenstorting in die kapasiteit van die vaste afval-verwyderingsdienste en risiko's vir openbare gesondheid inhou;
  - (iii) Die herstelwerk aan die vragmotor was dus as 'n noodgeval hanteer;
- (d) Dat daar voldoende fondse beskikbaar is en dat die uitgawe ten bedrae van R139 865.59 (BTW uitgesluit) teen posnommer 9/2 verreken word;
- (e) Dat die Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**7.29 AANSOEK OM VAKANSIEVERLOF DEUR MUNISIPALE BESTUURDER EN DIREKTEURE EN AANWYS VAN WAARNEMENDE MUNISIPALE BESTUURDER (4/8/3)**

Die Munisipale Bestuurder moet by die Uitvoerende Burgemeesterskomitee aansoek doen om verlof en word derhalwe -

**BESLUIT**

(op voorstel van rdl N Smit, gesekondeer deur rdl J M de Beer)

- (a) Dat die aansoek om verlof van die Munisipale Bestuurder vir die volgende dae in beginsel goedgekeur word, naamlik:
  - 3 tot 7 Julie 2023 (5 dae), met inbegrip daarvan dat dit weens omstandighede mag verander, na oorlegpleging met die Uitvoerende Burgemeester;
- (b) Dat daar kennis geneem word dat die Direkteur: Ontwikkelingsdienste gedurende voormelde tydperk sal waarneem as Munisipale Bestuurder, en indien, om welke rede ookal die Direkteur: Ontwikkelingsdienste nie beskikbaar is nie, die Direkteur: Finansiële Dienste sal waarneem;
- (c) Dat elke Direkteur, die waarnemende Direkteure in hulle onderskeie departement sal aanwys, ten einde goeie kommunikasie en dienslewering te verseker.

**(GET) J H CLEOPHAS  
UITVOERENDE BURGEMEESTER**